

Planprogram 2005

Fylkesdirektøren rår Hovudutval for samferdsle til å gjere slikt vedtak:

- 1 Sogn og Fjordane fylkeskommune godkjenner opplegget for planprogram 2005 i Vestlandsforsøket og oversender det til Vestlandsrådet for endeleg godkjenning.
- 2 Sogn og Fjordane fylkeskommune føresett at planprogram 2005 vert lagt til grunn for bestilling av planaktivitetar på det "øvrige" riksvegnettet, inkl. rassikring.

Saksframstilling

SAMANDRAG

I budsjettprogrammet for 2005 har Vestlandsrådet sett av 20,3 mill. kroner til planaktivitetar i forsøket. Vestlandsrådet kan disponere og prioritere midlar til planlegging innanfor desse rammene.

Fylkesdirektøren legg med dette fram forslag til planprogram 2005 i Vestlandsforsøket. Vestlandsrådet har i møte den 12.01.04 handsama forslag til planprogram for 2005. Vestlandsrådet tok saka til orientering og sendte planprogrammet til fylkeskommunane for uttale. Planprogrammet for 2005 med dei fylkeskommunale uttalene skal endeleg godkjennast av Vestlandsrådet.

1. Bakgrunn

Vestlandsrådet har i møte den 12.01.04 handsama forslag til planprogram for 2005. Vestlandsrådet tok saka til orientering og sendte planprogrammet til fylkeskommunane for uttale. Planprogrammet for 2005 med dei fylkeskommunale uttalene skal endeleg godkjennast av Vestlandsrådet. Fråsegnene til forslaget skal, med grunnlag i vedtektene i forsøket, tilleggast avgjerande vekt ved bestilling av planaktivitetar i forsøket.

2. Status for planprogram 2004

Status er at nokre planoppgåver har krevd meir ressursar enn føresett, noko som har resultert i at andre og mindre presserande oppgåver er skyvd ut i tid. Ved utgangen av året ser det likevel ut til at all naudsynt planavklaring for tiltak på øvrige riksveggar som inngår i Vestlandsforsøket og som er planlagt med oppstart i 2006 (reguleringsplan) eller i 2007 (kommunedelplan), er på plass. Det same gjeld tilsvarande tiltak som ikkje er omfatta av forsøket.

3. Føringer for planprogram 2005

Forslaget byggjer på planbehovet som Statens vegvesen sine distrikt og stabar har meldt inn for å sikre gjennomføring av handlingsprogrammet til NTP, andre stortingsvedtak og Vestlandsforsøket.

Programmet omfattar og tiltak som ligg lengre fram i tid og som krev planavklaring for å kunne takast inn i handlingsprogrammet til NTP. Vidare inngår planoppgåver på eit overordna nivå, for eksempel trafikkanalysar og NTP-relaterte planoppgåver. Som ei slik planoppgåve inngår og Vestlandsrådet si bestilling av ein overordna transportplan for Vestlandet.

4. Økonomisk ramme for planprogrammet i 2005

Det samla planprogrammet vert finansiert over ulike budsjettpostar:

0211: Planoppgåver på overordna nivå, inkludert sams vegadministrasjon med overordna planlegging av fylkesveggar og grunnlag for fylkesvegplanar.

0360: Planlegging av stamvegtiltak og tiltak omtalt i Stortingsproposisjonar m.v.

0760: Planlegging av tiltak som inngår i Vestlandsforsøket.

I tillegg kjem planoppgåver med ekstern finansiering, fylkesvegprosjekt m.v.

Forsøket har hand om post 0760, midlar til planlegging på øvrig riksveg. I statsbudsjettet for 2005 er det bevilga 16,9 mill kr samla for forsøksfylka, og i tillegg er det overført 3,3 mill kr frå 2004. For Sogn og Fjordane er tala 3,0 mill kr i bevilgning og 0,2 mill kr overført frå 2004. Dette er for lite til å gjennomføre den planaktiviteten ein ynskjer, men ved å overføre 1,7 mill kr frå løyvde planmidlar frå post 30 frå før forsøksordninga tok til i 2003 får ein retta opp dette.

5. Større prosjekt i planprogrammet

Planprogrammet byggjer på vedtaka i handlingsprogram til NTP for 2002-2011, regionale transportplanar, Fylkesdelplan for samferdsel i Rogaland 2004-2015 og tidligare vedtak og prioriteringar i fylkeskommunane.

Av større planprosjekt kan nemnast:

	<i>Prosjektnamn</i>	<i>Plantype</i>	<i>Fylke</i>	<i>Ekstern finans.</i>
Rv 509	Terminaltangenten Sola-Stavanger-Randaberg	Konsekvensanalyse	Rogaland	
Rv 46	Sandsfjord bru	Kom.delpl. /Reg.plan	Rogaland	Rogaland fylk.kom.
Rv 47	Karmøy	Strekningsanalyse	Rogaland	
Rv 47	Haugesund	Strekningsanalyse	Rogaland	
Rv 520	Ny Saudaveg	Reguleringsplan	Rogaland	Rogaland fylk.kom.
Rv 13	Brattlandsdalen	Reguleringsendring	Hordaland	
Rv 7	Hardangervidda	Vegutgreiing	Hordaland	
Rv 48	Årsnes ferjekai	Reguleringsplan	Hordaland	
Rv 48	Årsnes – Løfallsstrand	Reguleringsplan	Hordaland	
Rv 566	Hauge – Lonevåg	Reguleringsplan	Hordaland	
Rv 13	Heilårsveg for Vik	Konsekvensutgreiing/ Fylkesdelplan	Sogn og Fjordane	
Rv 53	Rassikringstiltak Naustbuk- og Midnestunnelen	Reguleringsplan /Byggeplan	Sogn og Fjordane	
Rv 616	Botne – Langesi	Reguleringsplan	Sogn og Fjordane	

Det kan og nemnast at det er sett av 200.000,- kroner til finansiering av Vestlandsrådet si bestilling av ein overordna transportplan for Vestlandet. I tillegg til dei større prosjekta er det lagt opp til gjennomføring av byggeplanar for ei rekkje mindre utbetringstiltak.

6. Konklusjon

Fylkesdirektøren har ikkje merknader til framlegg til planprogram for 2005, og rår samferdsleutvalet til å godkjenne opplegget for planprogram 2005 i Vestlandsforsøket. Fylkesdirektøren minner utvalet om at fylkeskommunen sin uttale skal tillegast avgjerande vekt under Vestlandsrådet si endelege handsaming av sak. Godkjent planprogram for 2005 utgjer grunnlaget for bestilling av planaktivitetar i forsøket.

